

齊城縣志

地
35
= 1-12

卷之首

序 舊序 纂修

銜名 凡例

卷之一

地理志上

圖考
沿革

星野
山川

疆域
附形勝
十景

序

余蒞商之四年秋邑紳士請於余曰我公之治商也革陋規清積弊振興文教創建義學若城郭若祠廟有裨於民者悉次第舉修歲捐廉俸不少恡惜惟吾邑志乘自康熙二十九年迄今百餘載未經修輯歷任父母志焉未逮似有留之以待我公者某等不才願襄贊執事以樂觀厥成焉余

序

一

惟江淹有言修史之難無出於志誠以志者憲章之所繫非老於典故者不能為昔陳壽號善叙述李延壽亦稱究悉舊事然所著二史俱有紀傳不克作志重其志也况邑志備輜軒之採傳信則國史亦信傳疑則國史亦疑所關甚鉅余簿書鞅掌學殖荒落何敢仔任第商志之不可不修者其大要有七百餘年間



國家渥澤之深推恩閭里嘉惠士林未遑紀載一也山川建置如決灌之未得其源城保之屢更其舊二也丁糧地畝之現額常漕義社之實貯今昔不同三也武備則移守脩增營汛巡檢則昔在金剛臺者議裁今移牛食畷者議增官師歷數十任其為教為養或得或失均宜續錄四也邑踞豫州東南之秀人文蔚起或列甲科或登仕

序

二

籍纍纍若之後先輝映所當按次悉書五也忠義孝弟畸士文人以及節婦烈女表章宜急六也他若藝文之類或有闕於世道人心或有闕於山川政治其宜掇拾搜羅者七也凡此數端皆非可緩余又何能以不文固辭遂尅日檢稽冊檔萃集羣書進邑中諸名宿相與發凡起例摺摺討論約以九志區為一十四卷而諸紳士採訪

叅訂督修考校者率皆虛公勤慎蓋衆益多而事集計開局於嘉慶八年二月越六月而志成昔宋羅願新安志自序云儒者之書具有微旨不同記簿余方學為從政數年以來兢業時虞無以慰我士民矧茲志事所謂辭尚謹嚴論踞體要者烏能自信故所考核傳述轉欲以記簿之意行之俾後之作者有所取資以成信史不

序

三

至以牴牾掛漏貽譏想諸紳士當有見諒於異日者矣時

嘉慶八年歲次癸亥季夏

賜進士出身商城縣知縣調知商邱縣事候選員外郎榮河武開吉撰

商城縣舊志序

邑之無志猶渡海具舟楫而昧斗極貌有妍媸而無明鏡也前無鑑後無法人自爲苟袁家自爲政駁橫議多則是非亂典要湮則奸謫生故世者以史乘爲宗知道者又以作史爲懼邑之志卽十五國之風列國之史耳商城素稱斌雅兵燹之餘文獻漸滅殆盡余初蒞任時蒐舊志僉曰灰燼急詢故老考核近事彙輯成書未遑也商俗近淳地近饒然地利無常惟人是恃夫物不素具者不可以應卒此君子思患而預防之有其備則無其事有時山澤皆民

商城縣志

卷之首 舊序

一

之利導其流而源裕焉有時山澤資盜之藪因其幽蓊沮洳而萑苻生焉間以數十年弊之所積逞於旦夕嚴以禦之恐隄之決也寬以容之恐蔓之滋也獨不思往昔淳厚之俗相安於無事變至此極乎獄者生民之大命也死者不復生斷者不復屬夫人情安則樂生痛則思死捶楚之下何求不得獄之成雖咎繇聽之猶以爲死有餘辜何則成練者衆文致之罪明也讀官師志守令循良尸祝歌誦者或百年或數十年謳思不怠有懼心焉求免巷誚市唾也可矣士之樸者覩藝文而禮樂之心生民之黠者鏡往

昔之嘉言懿行而邪僻之習化周南召南被賢聖之化深故篤於行而廉於邑鄭伯好勇而國人暴虎秦伯好信而士多從死陳夫人好巫而民淫祀晉侯好儉而民蓄聚太公躬仁邠國貴恕由此觀之治一邑者審乎上之所尙而已余於是兢兢焉然又有非邑令之所得主必借於民力假之歲月仰結於同事者蓋商土山多於水溪浮於田賦荒於人田荒於賦經制存留雖除荒徵收賦役雖著之令甲征之民則日十室九空所謂商城土產漆竹者安在哉蓋採取者無人亦終歸於朽腐成土苴已耳時有可否物

商城縣志

卷之首 舊序

二

有興廢一人爲萬室陶豈得哉順其所欲行而治之則易爲功強其所不欲而復之則難爲力旨哉先臣蘇軾之言也自有此志人知禮義自坊吏茲土者亦知鼎宜自愛端有賴焉觀文章而知其時之盛衰觀人物則懷今昔之殊致邇往昔則深景仰之私衷余之素願也然履其田畝則動優恤之心稽其丁戶則勤生聚之感察其風俗則凜馭朽之懼矣兼屢奉憲檄督修苦無舊志可纂僅與二三同志蒐見聞徵遺蹟思攝累月草創初成姑備一時觀感云非敢曰邑之志備於此也總以無舊志之可纂耳然文直

而事數又贍而事詳叙事不激詭不抑抗竊取司馬遷班
固二良史之遺意也順治己亥知縣陳倉高材撰

商城縣志

卷之首 舊序

三

商城縣舊志序

天地之心人物之情各相適而爲志九野有其屬五土有其宜以至萬彙有其歸觀於星野之分可以識天之志之所屬焉觀於山川之聚可以識地之志之所宜焉觀於風俗之遷流生育之蕃變可以識人與物之志之所歸焉志者記夫天地人物之志也猶列國之有史也流於心志蔚爲文辭識者採之覘列國之風氣歷世相傳披覽載籍如見千古之志况邑雖一隅碁布星列疆域錯繡志各有存不可泯也商邑寓內由古迺今爲城爲邑廢興數數無可

商城縣志

卷之首

舊序

四

攷矣復開基於明之成化八年故老所傳近二百年來阡陌間雞犬桑麻雍雍熙熙都人士禮樂文章彬彬郁郁志樸民志淳殆古帝治王風也迄崇禎之十有四年辛巳春寇壓境城遂陷灰燼烈於秦火黍離茂於吳宮諸所記載燹焉殆盡求所謂如接徃代之志莫之或覩客歲己亥高令視事屢奉憲檄纂修爰進故老而 之遂獲成草未經刪正余來令幾務未遑遽臻 首及邑志蓋以驗

士習民風於今昔已爾廣搜博採刪定成刻其以銘一邑之志亦以風萬世之志云順治十七年知縣衡戴天撰

商城縣舊志序

歲辛未余簡任視學大江之南北吾兄開雒郵書來教曰予蒞汝寧之商邑蓋三載於茲矣承殘疲之後起衰釐弊靡有寧晷大約撫字急於催科寬猛法乎遺愛而其間山川風俗人物材產與賦稅之增減制度之沿革文藝之盛衰城郭衙舍之廢興自明季兵燹淪散往往半不可攷所存邑乘亦殘缺失次予欲訂正久矣今者大中丞聞公與各憲頒諭哀集通省志書勒爲不朽予敢不黽勉從事亟令學宮之明敏者彙爲成帙確遵憲條親刪定而益損之

商城縣志

卷之首

舊序

五

去其繁支傳其信雅蓋以邑之有志所以紀往詔來彰善闡行俾循良賢隲如睹旂常下逮草木蟲魚亦皆蒼萃茲且付之剞劂以光盛典矣子盍爲我叙之予發冊讀竟不覺喟然歎興憶昔與吾兄風雨晨夕篝燈夜誦相期通晰古今爲有用之學而吾兄沉靜淵達言笑不苟發爲制藝則醇正和暢得先民之腴尤精於易理窗稿一出人爭寶爲闡戰之秘自乙卯予與大升弟獲登賢書吾兄不以不遇而稍阻其志丁巳幾告雋矣爲嗇於數而細焉夫以吾兄之才豈不足較書天祿以補黻盛治而乃山城清署

或鳴琴勞則戴星簿書瀆於几研鞭笞擾於耳目揆之初
願固於是乎哉雖然千仞之木必深其根柢百尺之臺必
大其基址古人有治一邑而名成而功著膺廟廟之選作
公輔之器卓卓可攷者載在史策間則吾兄今日之牛刀
小試卽異日股肱翼爲之深根大基也且今日之輯志以
垂諸永久卽所爲千仞之枝百尺之臺俾後人流覽而興
仰止之思也予能不喟然嘆興乎抑又聞之商署之廢殆
五十餘年矣自吾兄至而悉傾已貲以大其規模不顧家
之貧也此更爲人之所不能爲予又惡能嘿嘿已耶若夫
商邑之山川風俗人物材產與賦稅之增減制度之沿革
文藝之盛衰城郭衙舍之廢興一披志而瞭若指掌無俟
予之多言也故不贅許汝霖撰

商城縣志

卷之首

卷序

六

商城縣舊志序

事有迂而實切雖非簿書期會之所急而爲政教風化之攸關者志是也考之周官大司徒以天下土地之圖周知九州之廣狹而辨其山川墳衍之名人事物產之屬故小史掌其志外史達其書因之列國諸侯亦各有史蓋以稽星野識沿革修職貢核事功徵文考獻修禮明樂而久安長治之業於是乎在焉今之一邑足方古之一國古之國有史今之縣亦有志志不綦重乎哉商城舊志修於順治己亥歲因勝國兵燹之餘載籍散失僅得於父老傳聞雖

商城縣志

卷之首

舊序

七

成卷帙不無遺文荒畧之憾距今三十禩時數遷流有同雲馳事物紛紜亦如波委會無一著述自任者爲之補其闕而正其譌良可慨也已巳仲秋余承乏茲土例得取圖籍而閱之迨讀其邑乘輒不禁掩卷而嘆顧以民事孔棘斯夕綜理冀稍有裨益無貽曠濼誚誠未暇問及文事期月來農畝笠輕訟庭簾靜乃撫輿圖而覽雲物課桑麻而烝髦士遂欣欣然有捫管點定之思會大中丞閻公憲檄遙臨諄諄以續修邑志爲屬并頒程式以示同文余承命拜手而言曰臚文章崇道義潤色典籍以翼休明者大臣

之職也竭智計羅見聞廣搜博擯以資採擇者有司之責也余雖鄙矣寧敢遜謝第作史有五難有四蔽有三長必易其所難祛其所蔽兼其所長而後敢簪筆是任夫前人有志後人徃徃挾策議之倘續其後者仍冒昧從事吾恐後之議今亦猶今之議前矣且志也者一邑之實錄也文欲精簡不欲煩襍事宜考信不宜傳疑此豈一人一日之所可成其功乎用是謀於同寅咨及學博與邑名雋數輩多方采輯周悉無遺余於公務之暇參其可否定其去取增昔之所無續今之所有次第彙帙閱四月而始告竣固

商城縣志

卷之首

舊序

八

不敢以信史自矜意者天祿石渠間欲成秦渤之高深或亦有資此涓埃之細也不寧惟是商邑雖山城僻壤在明慶歷啟禎時生齒繁庶文教昌明其山川疆域上應星文下接吳楚田野沃饒稻穀竹木之利滋及氓庶以至土風之淳茂士女之潔修巍科甲第接踵而興忠孝節義蟬聯而起高士畸人徃徃寓蹟其間而官斯土者亦多著偉績躋顯秩焉文物聲名之盛殆非隣邑所能侔也自寇氛一變疇昔風流蕩然無存迄今俯仰流連漠然徒見山高而水清以我朝愛養咻煦四十餘年漸次興復卒未及

曩時之什一者蓋緣凋耗特甚縱極力培育亦難遽臻上
理也是書既成則民生利弊瞭然在目將來附於通志上
之司徒以備小史外史之選凡其所以措置安全者無不
可周知而預計之由是久安長治傳及無窮余且藉憲台
盛舉相與垂名於不朽豈非厚幸也歟康熙二十九年知
縣語溪許全學撰

商城縣志

卷之首

舊序

九

西城縣志卷之首

纂修銜名

監定

分巡南汝光道駐劄信陽州兼管水利事務林樹芳

大興人貢生

光州直隸州知州卓異候陞台

倫 正黃旗人

光州鹽捕水利直隸州州判陳燧

安縣人拔貢

纂修

商城縣知縣候選員外郎武開吉

榮河人進士

協修

商城縣志

卷之首

銜名

十

商城縣

教

諭劉崧屏

登封人舉人

商城縣

復設訓

導鄭捷三

懷慶人舉人

監刊

商城縣

牛食畝巡

檢徐萬春

婺源人監生

商城縣

典

史何瀚

宛平人議叙

叅閱

實錄館

纂修翰林院編

修程國仁

邑人傳臚

翰林院

編

修黃任萬

邑人進士

刑部山西司員外郎張國鸞

邑人監生

刑部主事陝西司行走候選員外郎周 鉞 邑人進士

刑部主事廣東司行走黃思宸 邑人進士

內閣中書何允徽 邑人進士

分修

候選訓導周之駮 邑人 葦音生

庠生周之驤 邑人

督修

誥封奉直大夫黃師萬 邑人庠生

候選知縣楊嗣沅 邑人進士

商城縣志 卷之首 街名 士

貢生吳錦含 邑人

候選州同熊家祉 邑人

叅訂

庚申科舉人楊心鎔 邑人

候選光祿寺典簿周曦 邑人貢生

廩貢生王輔政 邑人

監生楊文驃 邑人

監生周之璠 邑人

校對

庠

生何毓琬 邑人

增

生洪履益 邑人

庠

生熊傳本 邑人

廩

生王道平 邑人

經理

署山東汶上縣縣丞試用縣丞周衡 邑人貢生

州

同周文述 邑人

貢

生楚維光 邑人

繪圖

商城縣志

卷之首 街名

山

人裴應麒 邑人

東路採訪

揀

選

知

縣王世瑚 邑人舉人

貢

生吳錦含 邑人

廩

生楊維清 邑人

南路採訪

候

選

知

縣楊嗣沅 邑人進士

庠

生熊傳本 邑人

監

生周之璠 邑人

廩

生黃 菜 邑人

西路採訪

庚

申

科

舉

人楊心鎔 邑人

增

生洪履益 邑人

北路採訪

誥封

奉

直

大

夫黃師萬 邑人

廩

生楊嗣寶 邑人

貢

生楚維光 邑人

謄錄

商城縣志

卷之首

銜名

十三

王承笏 邑人

王輔哲 邑人

梁元 邑人

辦事書吏

吏房江可純

禮房吳鳳來

戶房王有年

倉房熊甘溥

禮房管滋任

禮房程安仁

兵房傅士全

倉房許朝陽

刑房丁耀先

工房沈禹卿